

7 Berita UMS

Debat Diraja Terbang Ke Negeri Dibawah Bayu

oleh: Norfadila Binti Zuha

JUMAAT, 9 MEI – Universiti Malaysia Sabah (UMS) diberi penghormatan untuk menjadi tuan rumah dalam pertandingan Debat Diraja antara Institusi Pengajian Tinggi Awam (IPTA) kali ke-16. Pertandingan ini berlangsung selama 6 hari bermula dari 9 Mei hingga 14 Mei 2014.

Pertandingan debat yang bermula sejak tahun 1995 ini mendapat penyertaan daripada 24 buah universiti seluruh Malaysia termasuk 20 penglibatan daripada Institusi Pengajian Tinggi Awam (IPTA) dan 4 daripada Institusi Pengajian Tinggi Swasta (IPTS) yang dijemput khas untuk menyertai pertandingan pada kali ini.

Yang Dipertua Negeri Sabah, Tun Datuk Seri Panglima Haji Juhar Datuk Haji Datuk Haji

Mahiruddin dijadual merasmikan pertandingan akhir Debat Diraja pada 14 Mei ini di Dewan Resital, Sekolah Pengajian Seni UMS.

Sebanyak 4 kategori akan dipertandingkan iaitu Bahasa Melayu Utama, Bahasa Inggeris Utama, Bahasa Melayu Muda dan Bahasa Inggeris Muda. Format “ala parlimen” yang dilihamkan oleh Universiti Islam Antarabangsa Malaysia (UIAM) menjadi pilihan untuk pertandingan pada kali ini.

Pertandingan debat kali ini menyaksikan kehebatan para pendebat dalam menyampaikan hujah dan mengembangkan fakta. Penyampaian buah fikiran menampakkan kematangan apabila hujah yang disampaikan itu penuh dengan keyakinan dan komitmen yang tinggi.